

¡BOMBA!

Corazón hecho coraza
anuncia este aniversario:
tras bombardeos a diario,
hay genocidio en Gaza



K'uintsil

Lunes 7 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2335 · www.lajornadamaya.mx

Yóok'ol kaabe' ku k'áatik ka xu'uluk ba'ateltáambal; bejla'e' táan u chukik jump'éel ja'ab káajak



▲ Oochel Ap

Jach ya'abach máako'ob ichil tuláakal yóok'ol kaabe' tu much'ajubáajo'ob ti'al u yawtikoo'ob le fin de semana máanika' ka yanak u xu'ulsa'al ba'ateltáambal táan ichil Gaza yéetel Líbano, beyxan ka su'utuk israelilo'ob biinsa'an k'albil, tumen ts'ook u chukik jump'éel ja'ab

káajak u ba'atelil Israel yéetel Hamás. Máaxo'ob táakmuk'tik Palestinae' jóok' tu bejilo'ob nojkaajichil le jo'op'éel kóontineteso', ti'al u k'áatiko'ob ka' ts'okok k'aasil ku beeta'al yóok'ol Franja de Gaza, tu'ux ts'ook u kiinsa'al óoli' kex 42 mil gazailo'ob.

Beyxan, páayt'anta'ab máak ti'al domingo yéetel le lunes ku taala' ti'al ma' u wenel máak ikil táan u máan u yáax ja'abil pu'uluk ba'al tumen Hamás yóok'ol israelil lu'um j-uuch 7 ti' octubre, tu'ux jkiim mil 205 israelilo'ob, yéetel machaab k'albil 251 máako'ob

(97 ti' le je'elo'obo' láayli' k'ala'ano'ob), tu'ux chúun ba'ateltáambal.

Ichil noj lu'umo'ob tu'ux péeknaj máake' ti' yaan Berlín, beyxan Londres, u kaajil París, Washington, Sídney, Madrid, Caracas, Marruecos, ichil uláak'o'ob.